

Spirit of Bosnia / Duh Bosne

An International, Interdisciplinary, Bilingual, Online Journal
Međunarodni, interdisciplinarni, dvojezični, online časopis

Moj Bilov Prvak Svijeta (2006)

Author Unknown

SANICA...Mujaga Selman, uzgajivač bosanskih pastirskih pasa tornjaka iz Gornje Sanice kod Ključa, okrunio je svoj dugogodišnji kinološki rad osvajanjem prvog mjesta na svjetskoj izložbi pasa održanoj nedavno u poljskom gradu Poznanu. Selmanov bosanski tornjak, po imenu Bilov, proglašen je najljepšim psom u svojoj rasi. Ovaj pasionirani kinolog ističe kako je priznanje izuzetno značajno obzirom da je ovo bilo prvo pojavljivanje bosanskohercegovačkog psa tornjaka na nekoj međunarodnoj izložbi nakon što ga je Svjetska kinološka asocijacija priznala kao autohtonu pasminu. Bosanskohercegovačku reprezentaciju na ovome natjecanju predstavljala su I dva uzgajivača tornjaka iz Travnika, sa ženkama po imenu Mrvica. Selman ističe kako je konkurenca u Poznanu bila izuzetno jaka, obzirom da je na ovoj izložbi svjetska kinologija ponudila svoje najreprezentativnije primjerke. Na izložbi je sudjelovalo oko 22 hiljade pasa sa svih kontinenata I brojnih zemalja, a natjecanje se odvijalo u preko 350 priznatih rasa. "U Poznan smo otišli bez značajnijih takmičarskih ambicija. Međutim, kako je natjecanje odmicalo shvatili smo da možemo ostvariti istorijski uspjeh.", evocira Selman utiske iz Poljske. Dodaje kako je na takmičenju u rasi tornjaka nastupilo tridesetak pasa, od kojih najveći broj iz Slovenije I Hrvatske. "Mrvica je, na žalost, eliminisana u četvrtfinalu, dok je moj Bilov nadmašio sve svoje konkurente. U finalu smo pobijedili hrvatskog tornjaka koji je, mora se priznati, bio izuzetan protivnik.", ističe Selman. Delegacija iz naše zemlje se, kako kaže, potrudila da u Poljskoj prezentuje I originalne nošnje bosanskohercegovačkih naroda. "Nosili smo bošnjačke, hrvatske I srpske nošnje I pobrali smo simpatije ostalih učesnika kojih je bilo iz skoro svih krajeva svijeta.", sa zadovoljstvom dodaje Selman. Ističe kako je I ovoga puta izostala podrška domaćih institucija vlasti, tako da su takmičari iz naše zemlje sopstvenim sredstvima morali da plate troškove putovanja do Poznana. "Kada smo se vratili sa osvojenim priznanjima, sve je bilo drugačije. Nismo mogli da se odbranimo od čestitki I poziva istih onih koji su se ranije oglušili na sve naše pozive za pomoć.", kaže ovaj Saničanin. Dodaje kako su cijelo vrijeme boravka u Poljskoj, radi uštede, spavalii u vlastitim automobilima. Materijalnu podršku ovoj maloj delegaciji, pružio je u granicama svojih mogućnosti, klub uzgajivača bosanskog tornjaka iz Travnika. Selman ističe kako je u stvaranje svjetskog šampiona uložio ogroman trud I energiju. Bilova je, kako kaže, još kao štene prije tri godine kupio od jednog vlasnika nomadskog stada iz srednje Bosne. Ističe kako je Bilov na natjecanju u Poljskoj, svojom ljepotom, gracioznošću I karakterom, osvojio sve simpatije kinoloških sudija, ali I publike. Pobjeda je, kako kaže, konačno poslužila punoj afirmaciji ovoga autohotnog bosanskohercegovačkog psa, obzirom da je prije nekoliko godina postojala

realna opasnost da tornjaka prisvoji hrvatska kinologija. "Zahvaljujući atuzijazmu I angažmanu neklicine domaćih zaljubljenika, to se na svu sreću nije dogodilo. Našpasd tornjka je upisan u svjetsku kinološku enciklopedije I danas, evo, imamo svjetskog prvaka.", s ponosom kaže Selman. Bosanskohercegovački pastriski pas tornjak je pasmina stara više od hiljadu godina. Hroničari su ga zabilježili prije devet vjekova pod imenom *Canis montanus*. Posebnu zaslugu za popularizaciju tornjaka te za njihovo širenje na svim područjima BiH, I izvan nje, imaju bosanski franjevci. Kada su pripadnici ovoga katoličkog reda prije 800 godina prvi put došli na ove prostore, bosanski tornjak im je odmah zapao za oko. Franjevci su bili prvi koji su prepoznali njegove vrijednosti te ga počeli uzgajati. Mujaga Selman ističe kako je krajnje vrijeme da nadležne državne institucije podrže uzgajivače ove autohtone domaće pasmine jer, kako ističe, tornjak je nacionalno blago Bosne I Hercegovine I treba ga zaštititi.

The preceding text is copyright of the author and/or translator and is licensed under a Creative Commons Attribution-NonCommercial-NoDerivs 3.0 Unported License.